

مارننگ گوجری نیوز بولیٹن 16 جنوری 2025

<><><><><><><><>

راجوری ضلع مانہہ پر اسرار موت غی وجہ نوں اک اور بچو پچھلی شام سرکاری طبی کالج جموں مانہہ دم توڑ بیٹھو بے اس ضمن مانہہ پولیس نے راجوری ضلع غا بڈھال علاقہ مانہہ پچھلا ۵۴ تہاڑاں توں پُر اسرار طور ور انسانی جاناں گا زیا ہون بارے تحقیقات دتی بے اس سلسلہ مانہہ ۱۱ رُکنی ٹیم ترا بکھ بکھ انکوائریں کاروائیاں غا حل واسطے کم کرے گی اس تحقیقاتی ٹیم غی سربراہی ایس پی آپسر یسند بدھال کریں گا جدکہ اس مانہہ پولیس تے صحت محکمان گا ماہرین شامل وے گا گزشتہ شام سرکاری طبی کالج سنگ جڑیا واں ایس ایم جی ایس ہسپتال مانہہ محمد اسلم غی ۰۱ سالہ بچی زبینہ کوثر غی موت توں بعد کوثر نکہ سب ڈویزن گا بڈھال گراں مانہہ مرن آلی گی تعداد ۱۵ تک جا پُچی بے۔

<><><><><><><><>

وزیر اعلیٰ عمر عبداللہ نے پچھلے تہاڑے میٹنگ کرغے شہری منصوبہ بندی غی سکیمیں تے پالیسیاں گا نفاذ غو جائیزو لیو ہے جس غو مقصد جموں کشمیر گا شہری منظر نامہ نانہ بہتر بنانوں تے شہری علاقوں مانہ منصوبہ بند ترقی نانہ یقینی بنانوں ہے اس میٹنگ غے دوران وزیر اعلیٰ نانہ لینڈ پولینگ پالیسی یعنی جس غے تحت زمین غا مالکاں اپنی زمین نانہ آگٹھی کرغے مشترکہ ترقیاتی منصوباں واسطے استعمال کرسکیں غا بارا مانہ جانکاری دتی گئی جس مانہ رہنمائی اصول مقاصد تے دیگر شامل ہیں اس ضمن مانہ اس پالیسی غیتحت ترقی غے اجازت غے دوران متعلقہ شہری حکومتی ایجنسیاں گے طرفوں کھلی سڑکاں پارک کھلی جگہاں تے دیگر سہولتاں غی ترقی واسطے زمین مختص کی جے گی اس میٹنگ مانہ وزیر اعلیٰ گا صلاح کار ناصر اسلم وانی چیف سیکرٹری اتل ڈلو تے دیگر سنئیر حکام وی موجود تھا۔

◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷

سرکار غی نمایاں پہل سٹارٹ اپ انڈیا نے ۹ براں مکمل کرلیا ہیں اس سکیم نانہہ شروع کرن غو مقصد ملک مانہہ فروغ دینو تے جدت تے کاروبار واسطے اک مضبوط تے جامع نظام بنانوں تھو اس سلسلہ مانہہ ۱ لکھ ۹۵ ہزار تومنا سٹارٹ اپ سنگ بھارت نے اپنا آپ نانہہ دنیا گو تیجو سب تو بڑو سٹارٹ اپ نظام غے طور ور قائم کیو ہے اس پہل غے ذریعے بکھ بکھ شعباں مانہہ ۶۱ لکھ تو متی ملازمت وی دتی گئی سٹارٹ اپ انڈیا پہل نے بکھ بکھ سکیم شروع کی ہیں جھیڑی ستارٹ اپ نانہہ اپنا سفر غے دوران بکھ بکھ مرحلا مانہہ مدد فراہم کریں گی۔

وزیر اعظم نریندر مودی اس مہینہ غی ۹۱ تاریخ نانہ ملک تے بیرون ممالک رے رہیا بھارتی شہریاں سنگ من غی بات پروگرام غے زریوے اپنا خیالات سانجا کریں گا اس طرح یا

